

劉文清公遺集

劉文清公遺集卷第十四

五絕二十二首

六言十七首

題遠浦歸帆圖

天際影迢迢客櫂投南浦一夜去何遲帆重連宵雨  
擬李益答廣宣供奉問蘭陵居

不乏餐霞侶兼多買酒人正宜陶令住偏少遠公鄰  
擬王弇州題朱光祿江籬館十首

松齋

老榦皴綠雨輕花落爲風仙人應過我飛蓋入雲中

雪廊

長廊亦何有飄灑三冬雪不爇長明鐙中宵自清絕

石塢

一椽不必施到來無客主天然一卷石可居便成塢

江雲樓

臨江起危構吐納一江雲雲氣自來往無心聊伴君

筠房

綠筠何纖小弱質最宜人裁作花間笛吹開酒面春

快閣

適意乃爲快無如高閣來長風天末至虹飲海爲杯

凝香室

枯木似禪定骨輕雲一絲無窮吐氤氲丈室垂簾時

嘯臺

嘯旨許誰解鑪邊中散踞相彼風際蟬螳螂方上樹

鶴院

招鶴出林來放鶴穿雲去野鶴本無家此院何妨住

雨花菴

出世固未得住菴有宿因花雨何妨著重參示疾人

題單潤亭表兄秋景扇頭八首

石竹

紕繆些些意偏宜朱粉輕佳名誰借與石竹占雙清

金鈴菊

似菊開偏早疏籬點綴間縱無高格調猶是出榛菅

蝶

香粉晚無多莫著秋煙溼欲下更伶俜枝頭風正急

蜂

時出露房游凌空稱羽客非爲採花忙故故尋秋色

草蟲

擇味召平瓜藏身魏王瓠愛著綠衣裳不畏行多露

蚱蜢

解避賢侯境何妨畫裏看秋衣宜護項草際晚來寒

苔

三徑多秋雨柴門長綠錢曉來誰踏破一鶴到階前

石

介性原圭角隨緣妙卷舒寫真知有意比德或相如

畫鷹

應是離

去

風塵何須灑毛血高堂生北風素練吹欲裂

擬太白鄮衍谷

至人調律呂天地回陽陰小試一谷中衍也猶蓬心

題扇

當此盛暑時乃見歲寒友開闔足清風握樞常在手

擬韓翃宿鴈山

臺省曾容疎懶煙霞自覺情親一邱一壑微尚山花  
山鳥幽尋

又別鴈山

故人相待龍墀勝遊且及良時北山移文休勒東臯  
農事前期

題畫三首

翠蓋影緣月轉素琴聲爲風回好遣人間多種能邀

仙客頻來

松

亦是羅浮真侶額黃別見丰姿試向雪中遙認不須

香到方知

蠟梅

開盡素花清婉結成朱實堅蒼海底珊瑚綴露江南

紅豆宜霜

天竹

秋思二首

地闊天長鴈去登山臨水人歸錦上音書杳杳夢中

蝴蝶飛飛

池冷何人獨見砌寒有露相侵公子風前玉立王孫  
花下清吟

甲辰重陽日十刹海鐙下作四首

出德勝門閱武宿十刹海安禪仁者莫生分別古云  
法爾如然

天際白雲吹盡林間黃葉飛來原自不離色相何曾  
一惹塵埃

明月同光處處蓮花妙印心心會取定中不隔無勞  
夢裏相尋

從古相傳重九有人自看黃花笑我今朝得句報君



後日還家

山雨欲來

萬樹宮商間奏千山鱗甲如生貪看峯頭雲起忽然  
脚底雷鳴

題扇

畫此一雙碧玉來隨萬里西琛夢到香南雪北瓊田

抱蔓王林

哈密瓜

澹園書歸以定南鍼盤贈行四首

善財五十三參步步向南而去贈汝金鍼指南薦直  
端登覺路

寒熱忽然相涉無寒熱處安身到日歡聯素侶鐙前

却話紅塵

我自心馳北闕君還興在東籬黃菊紅茱露滿一樽  
他日重攜

本擬連牀晨夕何期分袂闌珊憑君傳語諸季有誰  
雅意相關

劉文清公遺集卷第十四

劉文清公遺集卷第十五

· 七絕一百三首

擬東坡與孟震同遊常州僧舍三首

此生蹤跡任浮休，是處溪山足勝遊。  
已買山田供伏臘，他年尋我到常州。

種竹栽松一徑寒，竈甌香鼎小巔巘。  
山僧莫厭頻來往，祇作雲山一衲看。

與君何日約歸耕，竹杖芒屨到處輕。  
乞食山僧原未飽，笑渠拓鉢遶村行。

擬東坡雙楠木

輪囷偃蹇此奇木，古幹盤根霜露足。  
何時化作二道

士冠披髻鬆入王屋

擬東坡贈常州夜息長老

定心不起兀枯木人世相逢流東蒲認取東坡老居士他年肯共一龕無

擬山谷贈米芾二首

攤書曬畫趁晴天妙跡全收魏晉年祇恐江神笑寒乞夜來風浪惱回船

虎兒腕勁自扶牀不作王家蠟鳳郎他日書牆防漫聖元暉真箇繼元章

題東林書院四首

橫流何必太平翁戾氣全歸宦寺中可惜東林衆君

子祇將一死博清風

古路榛蕪未聽荒幾人入室幾升堂無端嫁禍蒼生  
盡壁鼠從來不兩忘

諸儒猶未脫言詮勁節嶙峋却自賢畱得黨魁高顧  
在他年隻手定扶天  
黃公早退豈遐心激禍將成鑑獨深詎以調停清國  
是固知傾否賴儒林

代書柬盧召弓侍講四首

到來先覓壁間書未接清言一起予何處二分明月  
夜華筵虛左待相如

二十年前住武林畫欄桂樹憶秋深知君家近西湖

路十里梅花有素心

記得瀛州舊侶無春風使院客情孤溪山縱好同誰  
賞撲筆堆書遠憶盧

江城梅柳早春妍海上仙風入管絃有意暫爲文字  
飲遲君來及放鐙前

靜坐池亭

曲池特地繞朱欄到此忙人亦合閒知是馬曹猶碌  
碌何如舉首但青山

閒花幽草儘能香夏葛冬裘趁暖涼一坐便應論小  
劫那知七十歲年長

郭熙秋山平遠圖用東坡韻

老眼無花去鴈邊孤雲一握壓前川秋風卷盡千林影黃葉扁舟興浩然

莫學騷人苦怨秋秋容濃淡總銷愁遙峯一髻青如染多少風光最上頭

題畫四首擬東坡作

修竹偏於翠袖宜世間何處覓南威不如拉取青田客祇似林間遇縞衣

竹鶴

幽人應在最高峯采藥穿雲度幾重剛得根苗兼飼

鹿一山春草正丰茸

黃精鹿

時花好鳥自幽妍淡抹燕支玉竹團卷上珠簾日當

午秋千影裏有人看

杏花白鵲

太華峯頭萬柄欹羽人絕粒學靈龜小池亦自涵清  
遠坐看青龜上葉時

蓮龜

題洞庭女子方掄冰自寫小照二首

翠袖佳人愛晚涼梧桐月下玩秋光不知侍女眠何  
處一院氤氲散夜香

自調丹粉寫丰姿獨立閑階顧影時子細端相猶有  
憾不將弱腕一題詩

畫眉曲七首和韻

掌中明翠試新螺自洗殘黃畫綠娥纖指柔豪能澹  
遠春山一帶映橫波

端麗丰容不逞嬌妝嫌時世太妖嬈效愁從作梁家



樣只合臨風鬪舞腰

稱意穠纖勝畫圖遠山風尚自成都熙熙千萬紅妝  
裏有箇堪逢柳毅無

螺紋旋轉拍端紋磨就輕明粟點新筆誤一分成淺  
笑回眸裁得半山春

走馬將歸日欲晡晚妝臨鏡思踟躕春來試問新翻  
樣是做章臺嫩葉無

紅玉天然帶宿醒曉窗籠日暖啼鶯吮豪慵聽枝間  
語虛醺香煤久未成

無限風光腕下春姁娥乞與一彎新幾丸破費松煤  
綠將底能酬涅袖人

讀中州集

南朝詞臣北朝客篇章采入金源集編詩作得傳分  
明苦遇遺山董狐筆

湘江曲

湘江日暮行人去江波遠引輕煙素極目寒雲鳥自  
飛行人渺渺知何處

詠蒲葵扇

翦取霜洲劒許長團團豈有漢宮香薰和微扇清風  
裏不作紅蕉透骨涼

學書偶成三十首用元遺山論詩絕句韻

蟲書鳥篆墮紛紜千古形聲費討論誰到崑崙峯頂

看直從星宿辨清渾

博雅中郎有古風廓清摧陷亦豪雄力追秦相殘碑  
法未遣銷沈劫火中

書到元常體最多新聲未變古謠歌典型已覺中郎  
遠野鶩紛紛更若何

長史真書絕不傳縱橫使轉盡天然要將伯仲分專  
博一派終輪納百川

內史風流已變新更將適媚絢真淳潁川法嗣晨星  
在衣鉢傳來有幾人

波靡元譚失性情神州遺恨鬱難平探衷獨有蘭亭  
客王畧關心壯氣橫

咫尺波瀾有大觀何須海陸與江潘寥寥謝傅平生  
筆數帖丰神學步難

物論低昂自有真官奴枉解笑時人一班麤足傳家  
法未是騏驎躡後塵

褰幅摹來早擅場辦香分處到齊梁秋蛇不辦常山  
勢俯首何曾解一昂

蠶紙遺蹤冠古今永師家學發源深巧偷豪奪成何  
用地下多藏啓盜心

虞共歐陽本一途妄分同異亦區區率更主器差堪  
恨拋却懸藜寶碣砭

難將稜角取丰神渤海癯仙自有真枉捉許多犀象

管刀圭誤却後來人

白髮投荒聽杜鵑橫流滄海永擻年孤忠清淚知多少染盡臨池五色箋

名節銖輕富貴塗忍教白壁涅成盧誰言得薛無慚褚試與方人恐未符

悟主危言社稷安風標想見切雲冠何人學得公書拙休被前言戲論謾

時事人心只問天神仙風骨迴無前大梁盜號非秦比蹈海空悲失魯連

尚書書法本雄深妙處能傳內史心休著誠懸稱配饗沸揚唐突五絃音

露骨浮筋苦不休縛來手腕作俘囚要從筆諫求書  
訣何異捐階百尺樓

子美輕將所好阿古風洗盡奈渠何試教酒肆懸來  
看比較高賢勝幾多

醉素書狂絕後前蛇神牛鬼若爲賢市倡本自無顏  
色塗抹青紅亦可憐

絕愛楊風草法奇西臺晚出尚追隨相門華組甘拋  
却五代完人更首誰

子美文窮被鬼欺滄浪清泚濯纓宜胸中礪礪豪端  
露只有廬陵具眼知

豈惟手棟龍團茗更與殷勤譜荔枝可惜端明名下

士蔡丁同入長公詩

賀鴈區區見宦情  
怒猊渴驥意縱橫  
如何兩字傳青史  
貪妄評來槩一生

江西詩格奇還正  
海外文情壯亦悲  
書似謝公能變俗  
頓教紈扇換蒲葵

蘇黃佳氣本天真  
姑射丰姿不惹塵  
筆輒墨豐皆入妙  
無窮機軸出清新

晉代風流去不回  
米顛筆挽一分來  
褚虞習氣銷除盡  
桃李叢中見嶺梅

奉道君臣一體親  
虛皇符籙寫元真  
相公書翰君王畫  
誰識南朝大有人

入手江南一段春王孫才調百年新六朝佳麗輸江  
總金粉能教筆有神  
總角塗雅弄筆狂管中窺豹莫評量昔人論議知多  
少輯綴成文韻語長

詠冰

叔寶神清原有骨山公鑑徹了無塵相看不得談名  
理解脫無邊內熱人

風箏和唐人韻

雲路迢迢一線通冷然輕舉御天風猶嫌操縱兒童  
手不及鴻軒寥廓中

觀棋九首



只因黑白太分明若箇甘輸却讓贏  
蠻觸何堪同一殼試教兩局不成爭

不遣縱橫墨畫絲憑他國手欲何施  
直從區斷方州後勝負循環沒了期

勝固欣然敗若何推枰一笑便言他  
區區角鬪皆能爾尺水應無過顙波

飲羽難當努末強誰從半局決興亡  
東隅一失尋常事莫放獶兒作混場

龍爭虎鬪敢委蛇鴻鵠紛紛攪我思  
縱欲楚弓閒射雁何難忍得局完時

從來當局易迷茫悞諫師心速敗亡  
用否自憑聽者

在一言何必怒王郎

簡易之中妙理存紋枰靜對可忘言等閒莫賭宣城  
守金注由來令智昏

嘗憐象戲亦稱碁名目紛紜可是奇彷彿兩儀含變  
化權輿誰氏露天倪

擲白呼盧苦叫呶市兒惡劇若爲豪君看羽扇綸巾  
者不似哥舒夜帶刀

### 銷暑

坐穩真如木居士眠稀未待竹夫人炎蒸氣與清虛  
隔銷暑良方斷客塵

### 戲題士女圖

不愛傾城爲沼吳肯將國色乞陶朱應緣欲避千絲  
網句引謀臣去五湖

慷慨尊前柰若何君王意氣歎蹉跎可憐遊子功成  
後也爲夫人泣楚歌

呼韓亦是穹廬主飛鳥何心戀故鄉金谷流傳堪一  
笑幾人枉自斷詩腸

愛才不厭長卿貧一曲求凰獨賞音千古文園詞賦  
手如何傾倒白頭吟

### 東阿王

立少原非魏祖心五官虛置簾中人不然定敗公家  
事霸業空傳賦洛神

題畫四首

藜牀情話亦悠哉，望裏楓林兩岸開。  
一片空明天水闊，孤篷人自日邊來。

小插疎籬短出簷，四時風月一廬兼。  
却愁遮斷青山色，種得蒲蘆不作簾。

離立蒼松不著行，更添叢竹共平岡。  
山陰已作黃昏色，回首西崖尚夕陽。

一櫂扁舟何處家，晚來天水活無涯。  
月明好傍磯頭穩，莫逐迷津認落花。

月夜懷趙雲崧秀才二首

與君談辨久紛紛，忽漫春風兩地分。  
今夜月明堪共

賞空庭徙倚悵離羣

雨過輕涼四月初  
葛巾統扇獨攤書  
知君正對津門月  
鄉夢回時夜幌虛

從軍行三首

六郡良家最有名  
由來結髮慣長征  
路人欲問從軍樂  
射虎新隨右北平

辛苦長防萬里秋  
歸期休問大刀頭  
不驚夜火烽傳警  
却怕新聲笛起愁

羽檄關城未解圍  
摧鋒千騎發金微  
分弓玉帳侵晨出  
唱凱轅門不夜歸

擬唐人長門秋怨

宮樹鴉飛帶曉光  
銅瓶素手汲新涼  
忽驚一葉飄金井  
從此長門夜更長

階前雙竹

種竹何須種萬竿  
傍階雙影亦檀栾  
月明滿院秋霜重  
相對如知說歲寒

東村十景圖十首

曲岸桃花

南畝西疇穡事同  
開軒場圃逗春風  
東村獨有春如錦  
千樹桃花照水紅

春溪柳色

幾樹垂楊綠滿溪  
一犁春雨岸生泥  
芒屨竹杖春溪

側拍手兒童唱大堤

澗底松籟

多少山苗在澗阿  
歲寒不柰雪霜何  
閒同謾謾蒼官語  
祇覺心平聲韻和

竹林積翠

精製銅盤五月涼  
耽書自有兩兒郎  
前林稚筍從挑喫  
只要裁笙待鳳凰

鏡泉湧雪

飛雪晴空灑面涼  
攜壺曾此坐繩牀  
濯纓未與滄浪比  
盥漱偏宜夏日長

荷溪晚香

紅衣翠蓋錦成秋一曲明湖憶舊遊今日晚香閒裏  
得不須重上木蘭舟

桐陰秋月

百尺無枝格太奇翠陰如幄正相宜微雲河漢尋常  
有未擬停杯問月時

疎籬紅豆

兒女情多絕可憐深紅能與雪爭妍疎籬正有鮮鮮  
菊推挽秋容到酒邊

西崦霜葉

欲寫秋光下筆難曉來青女爲施丹直須拋却悲秋  
客總作千重綺繡看



古寺晨鐘

不與彌陀共一菴深禪也復靜中參老僧只要披星  
起春夢何由到曉酣

劉文清公遺集卷第十五

劉文清公遺集卷第十六

七絕八十七首

王達齋屬題公餘習射圖四首

仙骨飛騰侍

紫宸待傳標格畫麒麟閒來笑取丹青手聊寫開弦

月一輪

秦川小獵萬人看百二山河放眼寬記得橫空飛白

羽一天秋色落雕盤

丹筆春回

聖澤宣兼資文武冠時賢沖襟正有風雲氣萬里封

圻看著鞭

宴坐槐香澹不營一篇射義考遺經詩成不盡登臨  
意手寫溪山入畫屏

題任月山進馬圖四首

汗血奇馬歎玉材騰驤三萬總龍媒房星一夜寒芒  
起知有天西貢使來

月窟流沙道路長赤墀天骨見開張已同寶玉陳王  
會更與靈芝譜樂章

寫真妙技數韓曹馬旣空羣畫亦豪看取丹青同磊  
落前身應識九方皋

吏事曾聞水利籌餘情盤礴寫驊騮伏波銅馬千年  
遠萬里風雲一卷收

寶應道中扈

蹕將歸南風不休舟行未疾得詩頗多旣以自解并  
憶敬菴十兄

日日南風滯客舟白波浩蕩沒輕鷗主人共有滄州  
興檀板金樽爲少畱

橐筆朝朝帳殿趨日邊時下五雲書歸途還有詩成  
錦知是天章煥采餘

渺瀾湖波萬頃寬連艘轉漕見檣竿從來此路趨京  
闕直北雲山一帶看

迢遞重江限八閩憶君言笑向誰親題詩嬾付雙魚  
送屈指書還又一春

題畫羅漢像四首

褐衣猶帶雨花鮮  
雲彩常隨法座妍  
弟子韶顏師老宿  
問來都道不知年

妙光隱現兩眉間  
海印成時萬法閒  
不向如來行處去  
白雲長自繞青山

未展經函便了然  
從知鏡象已離詮  
泥牛入水無消息  
却有書隨過海船

謾從釋子認袈裟  
緇素由來共我家  
本自無塵安用帚  
一林春雨落巖花

乙未春日家書自萊陽回十六叔父以李息齋  
畫竹高季迪題惠寄次韻八首示姪鏞之卽

錄呈十六叔父

疎簷古木遙相映相見幽樓占一枝可有羊求相過  
否小橋橫亘淥差差

畫意悠然出塵表虛心高節水邊枝更看好句同標  
格白傅蕭郎可等差

亭下蕭然無一物何人來此挂筇枝祇因看竹閒臨  
水萬个分明綠影差

息齋正有六法妙偶然小筆琅玕枝萬頃波瀾從卷  
了青邱一絕澹相差

疎竹危亭塵埃外煮茶雅稱一藤枝詩人肯爲常來  
往二老風流與杜差

山中人兮不可見一茅亭子傍瓊枝記取華星明月  
夜劫來騎鶴弄參差

丹淵寫竹東坡記萬箇箇簫貌玉枝此畫此詩裁尺  
幅也同千尺影參差

善溪老人吾叔父別久常思爲折枝古畫寄來還示  
汝各憐小阮意相差

題十景圖畫冊後

弄筆塗鴉廿載前雪泥鴻爪故依然重來綠樹春風  
裏羣從嬉遊憶往年

筆牀茶竈共相羊雲海分飛各一方還有丹青清興  
否昨來書報鬢如霜

楚志來歸似昔人心知聞見總前塵想成國土渾如  
昔信有空身是法身

爾昔垂髫今壯夫田園書籍不荒蕪他時世業雲初  
好記取傳家有畫圖

題畫

茅舍村童亦有師或憑書案或窺籬驅豬忽入慈親  
眼轉憶韓公教子詩

題樞辰姪壁

丈室蕭然可自由儘饒閒夢到滄洲丹青一幅明人  
眼紅樹青山認舊遊

題雲巖小照四首



坐斷空花不計年心光常照意珠圓却參枯木龍吟  
句八陣風雲玉帳前

萬里歸來鬢雪新桓圭袞繡畫麒麟白雲無盡閒舒  
卷依舊青山似故人

石室松風滿意聽濤翻雪落雨泠泠不須更覓無生  
話此是新傳了義經

髣髴拈花笑口開等閒蔬筍味鹽梅從容幾刻鑪煙  
裏佛語親承拜賜回

擬范石湖作九首

坡公祠堂

宋遼疆場久無他夏國紛紛事態多此地雍容公可

爾欲紓西顧問如何

中山松醪

衡漳宵濟藝松薪黍麥相和用意新  
取醉老饕餐成底事不如畱却照行人

扁鵲墓

天下爲秦詎可治未聞死病有良醫  
孔斌語但使生民原不病區區小技亦奚爲

文王廟

吉凶同患聖言深納賂求全豈聖心  
宵爾千年垂易象悠然一室有鳴琴

邯鄲縣

萬物有生皆有死子曰朝聞夕可矣神仙與世較短  
長直不百步亦走耳

藺相如墓

强秦弱趙勢難侔國有人焉未可媮太息懷王將稚  
子秦關一去此生休

張良廟

當年欲伴赤松遊此日應回范蠡舟本爲韓王韓已  
矣病身何必更封畱

疑塚

紛紛盜漢各乘時操也實因黠得之未見癡人能作  
賊若爲疑塚却成癡

趙州石橋

一拂平生不盡風  
石橋依舊往來通  
放牛王老無尋處  
春草年年古寺中

輿中二首

十二通衢幾素心  
別時相憶此相尋  
讌談只道重逢好  
莫笑年來雪上簪  
書生不廢吟哦功  
袖書懷筆肩輿中  
忽然紫陌春風起  
吹過香塵糝研紅

燕窩四首

認得盧家玳瑁梁  
雙飛雙宿任翱翔  
營巢只要春泥好  
何必銜魚到海傍

白小天然二寸魚一經含吐便成居戕來物命窩方就莫怪尋窩又到渠

味即無殊色不同稍分醞白與微紅論功也與參苓佐已上賓筵更藥籠

羹臠論珍海錯宜區區口腹亦奚爲晚菰早韭天然好輸與荒園老圃知

馮青方楨卿兩先生竹石墨本爲蓮塘觀察題  
四首

東國人文有故家流傳繪事亦清華寫來竹石閒情好認取弓裘世業賒

高節虛心不受塵雲根山骨更嶙峋家風並向圖中

見大小馮君似古人

妙跡真宜水月傳興懷題咏繼前賢一亭更著修廊  
接好句從茲次第編

珂里懸車七十強

恩筵新預賜霞觴竹筠石介爲君壽綠野風清奕葉光

撫楔序圖

高僧奚必愛蘭亭御史何勞遠賺僧贏得文皇書倍  
好到今龍虎氣飛騰

澹園索詩次韻二首

君詩太好且日富我詠不工且少爲來章迅速答濡  
滯巧拙相逢理固宜

猶是關風伏雨時  
望秋偏覺入秋遲  
把君詩讀真忘暑  
却媿壘簾要遞吹

寄澹園二首

蟬聲不斷終嫌聒  
樹影相連亦愛涼  
園號澄懷澄未易  
何時心境兩相忘

教始華嚴訖涅槃  
多生願力得常看  
依然說食無時飽  
開示誠殷悟入難

題月田尚書聽泉圖小照四首

韋平事業有家傳  
香案前頭記夙緣  
巖壑不能邀將相  
問公何處聽鳴泉

兵權萬里靜埃氛  
歸向瓊霄侍朵雲  
臨水不妨還一

憩清冷却傍軟紅聞

試躡松陰坐綠苔情忘境會信悠哉便從天籟尋源  
去咫尺清光乃大來

豈有纖塵到耳根雷鳴珮響兩無痕請公更契聞思  
理喧寂同歸不二門

題畫

伏虎降龍總不能睡眠粥飯自騰騰蒲團箬笠閒持  
鉢此是人天最上乘

又題畫

一樹垂楊萬縷金春風澹蕩碧波深閨人倦繡閒相  
約來試綸竿就綠陰



寄澹園二首

讐校官書有程課恩恩不暇入推詳雖然所得亦非  
少佛說身香由染香  
晤言亦復常言耳數面何如未面時結習未空難自  
遣儻來會合且怡怡

虞美人花

美人猶自未忘情野草閒花亦借名能與君王同意  
氣不須顏色問傾城

繡毬花

枝頭細簇粉光融素質偏宜體態豐幾日春工方繡  
得莫教拋擲付東風

題沈欽伯山水

巒峯渾厚樹華滋想見香光仿大癡能事於今推瘦  
沈風流未必減當時

題二仙圖

天上仙人作伴遊一將遠去一相畱畱他且上三山  
頂共掣金鰲弄碧流

仙人抱琴圖

湘娥愁對九嶷青却抱朱絃下紫庭太古遺音誰識  
得洛濱彈向玉妃聽

題唐六如雜畫十首次其自題韻

玉川

逸軌難偕桑苧翁洛城茆屋醉春風打門軍將非無  
意生恐先生在夢中

梅花凍雀

鷺毛雪片落山椒高士茆檐障緯蕭寒雀也知梅有  
韻一枝爭占不相饒

耿先生

北兵江上幾連營天塹難誇帶水橫化得黃金何處  
使健兒十萬買捐生

張祐

瓠子冬瓜作笑端文章換骨却無丹不須摘句論工  
拙較與徐凝一樣酸

草廬

紛紛成敗困羣雄時雨真宜待應龍辛苦三分何日  
了南陽猶記臥高春

臨邛

憐才自是卓王孫豈有屏間漏洩春好士由來天子  
意誰言狗監也知人

呂文穆公

氣量由來迥不同能於鐙宴奏民窮儒衣風雪尋常  
事何必場中又畫中

樊川

兩枝仙杏一時開曾識空門氣味來笑殺論兵兼愛

色幾時曳得鐵牛回

香山

憔悴江州司馬時  
蘭船一隻且遷移  
老來灰盡功名  
念怖鴿無心揀月枝

浣花

滄海騎鯨語絕奇  
塵中誰遣少陵知  
當年有約無人  
見飯顚山頭日午時

崇山峻嶺圖

蒼翠嵩高天地中  
崇山峻嶺邈難通  
遺書北伐常迴  
首壯志何人似此翁

題唐六如居士畫四幅五首

瓶有黃花案有書細君婢子澹相於不須預說高門  
慶蘭馥珠圓樂有餘

書室

感會風雲半隱淪神仙混迹或囂塵世間和扁元難  
識莫笑街頭賣藥人

賣藥者

既盲且丐亦欣欣馴犬攜兒意倍親乞食豐年原易  
飽不妨鼓腹作堯民

乞者

軼里夷門漫自豪捐生何意等鴻毛祇應更信王褒  
傳不釣磻溪試鼓刀

屠者

子畏丹青世罕能聲清響濁亦何曾不須苦說真和  
偽帶水拖泥到右丞

劉文清公遺集卷第十六

劉文清公遺集卷第十七

七絕九十二首

觀劇 并引

王元美楊升菴無所不學宋詞元曲以下或未必盡爲之未嘗不盡知之也弇州談論尤爲超卓閒中閱及四部雜文見其所論詞曲優劣因思近日劇場亦清商樂府之遺音也美斯愛愛斯傳焉玩其華藻節而不溺達者有取焉耳絕句數首偶然作之舊人集中亦有此題非以鬪巧聊以寓興而已

水複山重第一村牽蘿補屋幾朝昏玉人儻向吳宮



老狂却殷勤再到門

後訪

齊晉兵休越未來芙蓉恰傍美人開銀塘一夜衣香  
滿知是蓮舟櫂月迴

採蓮

鉛華久向病來收良夜偏將好客畱歌罷新詞人已  
困滿天星彩下西樓

樓會

沈香亭裏報花開酒態低昂供奉來奏罷清平春已  
去六龍西幸謫仙回

吟詩

抱琴小立月華邊消渴書生夜不眠一奏瀟湘水雲  
曲萬珠清露滿階圓

琴心

一夕書帷駐彩雲湘絃楚珮暗畱芬嫋婷久立空階  
冷露溼金泥蛺蝶裊

佳期

停觴不御兩魂銷水遠山長夢亦遙今夜蒲關蕭寺

月依然花影轉良宵

長亭

褰珠拾翠競芳華朱閣深嚴宰相家懊惱雙鬟慵不起夜來風雨損梨花

規奴

漁蓑披向寶衣寒漢室山河一葉寬載得王孫何處

去滿江風浪起龍蟠

藏舟

脫韁擺索自豪雄禪板蒲團一掃空明日清涼山下路杏花深處酒旗風

山門

蜀道山青怨杜鵑鳥嘯花落雨如煙鈴聲恰似丁寧

語好爲三生話舊緣

聞鈴

元宵燈火宴豪家細馬馱來眼帶紗誤煞書生相待

苦一庭明月浸梨花

豪宴

浮玉山高鐘磬音莫愁亭子在江心良人咫尺不相見一逕禪房花木深水漫

萬死求丹路渺茫上真喜怒迴難量心灰力盡歸來

日夫壻回生妾斷腸

採藥

欠伸美人圖

習禮明詩靜以莊東風故作小低昂日長庭院無人見雙燕微辭在畫梁

題紅線

閨苑花前是故鄉幾年羅綺客華堂恩仇麤了重歸去弱水蓬山路正長

甘露寺詩四首

很石

很石不知在何許如羊亂石滿山頭偶然對憩臨江  
湓異代猶傳割據謀

大鑊

三堰長淮取壽陽魏人一檄中膏肓飯僧設醺區區  
甚福報終看墮渺茫

衛公舍利塢

衛公佞佛亦奚爲恩怨分明亦太癡一念親權終自  
病操之則慄舍之悲

貫休畫羅漢

佛畫精能說貫休窮形盡相筆端求應真飛錫原無住斷杵殘煤詎足畱

題褚臨蘭亭二首

茂林修竹晉時春偶寫中年老大身正爾臨文多感慨却將欣遇乞閒人

瑤臺青瑣關嬋娟誰到中書意匠邊持較右軍差少骨也應飛鳥得人憐

蓮社圖

法門廣大誠無外根性參差亦有然靈運伐山終作賊盧循蹈水可能仙

趙子固水仙

中原磐石全無地南國微波尚有家託意不須悲世  
換王孫芳草自天涯

韓蘄王騎驢圖

蹈冰何日渡黃河翻恨金人肯議和候得西湖風月  
好休從馬上認廉頗

擬楊誠齋郡圃雜咏三首

吏事無多得自如黃連點眼更看書小園亦有花如  
錦車馬尋春不到渠

石路鏗然曳杖聲潤含菜甲喜初晴無人來共先生  
語細數花鬚繞樹行

蛺蝶飛時換袷衣春情春態弄人癡空庭暗度芳菲

節濁酒濃茶破睡時

和唐人韻三首

端正樹 溫飛卿

一樹含情繫別愁他時南內怕登樓無人可共星前語雨打風翻不耐秋

題石泉蘭若

段柯古

爲法頭陀不出門十年階下長蘭蓀石泉冷暖誰知得滿耳松風與細論

贈李十二牡丹花片因以餞行

元微之

一片何緣墮緒風深紅顏色怨辭叢驪駒歌罷重攜手贈爾當筵映酒紅

擬唐人晚春絕句

杜宇聲聲喚客頻，綠陰門巷淨無塵。  
閒攀小院櫻桃樹，日暖風輕欲困人。

擬唐人答東林道士

暮雪歸來煙外峯，樵人相伴趁行蹤。  
談經欲赴中宵約，鐙火微茫出寺鐘。

蕎麥

記得曉行山月斜，東升已是絢明霞。  
一天風露寒衣冷，夾道微馨何處花。

那論秔稻滿江南，十頃桑麻映翠嵐。  
多稼也連蕎麥熟，柴門野色報秋酣。



汾陽王故里

幾度兵塵暗帝畿補天回日古來稀  
何人更埽門前路滿地野薜花亂飛

十宮辭

銀箭金壺夜未央三千歌舞弄明璫  
春風一笑難酬值他日全吳答越王

夢澤歸來初罷獵渚宮遊去又行雲  
可憐朝暮巫山雨盡與諸侯洗楚氛

吳歌楚舞奉君王絃管塵生翠袖長  
三十六年春去盡年年空自換新妝

燕體飛飛曳翠裾屏風七寶障輕軀  
仙鄉肯覓長生

藥玉帳新懸不夜珠

臺成銅爵幾時遊望斷西陵落日悠鐵馬金戈紛未  
定歌聲舞影散漳流

吳蜀降來偃甲兵從今四海樂昇平那聞戎馬紛紛  
起且駕羊車緩緩行

鏤成新樣九鸞釵敕碎金身法像來蓮步幾回移內  
殿鈴聲他日響梁臺

已遣詞臣稱狎客更憐學士是宮娥樓頭壁月長如  
此門外韓擒柰若何

鞞袖垂肩悅寶兒常隨玉輦把花枝麗華曾勸紅梁  
醞何似雞臺瞥見時

羯鼓聲停開杏萼霓裳舞罷啟天顏莫將買賦金虛  
擲供奉君王有玉環

謝金匱侍郎以九方見惠賦此爲謝

一笑相看兩禿翁僂僂惟我健惟公無人能使金丹  
轉扶老還求草木中

公有微疴解自治炎黃書在每勤披聞吟九藥流鶯  
轉想見晴窗得句時

授我良方費忖裁胸中梨棗勸深培珠盤走處渾無  
滯本自圓機妙悟來

藥病雙忘愧未能投瓊有意報良朋期君早入維摩  
室百億鐙中問一鐙

題一如四相圖

清影原從多福分風枝雨葉綠披雲我方與我周旋

久知我爲誰問此君

我竹相

色香何地不全真索笑巡檐莫漫頻月落參橫人去

後一枝宛在夢中人

梅人相

三界輪旋六道忙何來婉孌夢呈祥香嚴悟處非沈

水百草千花是一香

水仙衆生

泉自清溫菊自甘耆年穉子本同參見恒河性分明

了來與彌陀共一龕

壽者

題徐樹峯問僧圖四首

有何不了更求僧聾啞兼盲那解謦聽取兩松常說

法居然北秀對南能

渾忘官職外形骸小憩還招釋子偕未必有疑須問  
答愛渠麻衲共芒屨

前身也是住山人富貴場中憶宿因好向明窗鑽故  
紙漫勞款請費心神

曾說分茅囑鄴侯又聞開口喚裴休塵中儻有曾堪  
問公若相逢我亦求

苧蘿村圖

玉人昔住此村中照水新妝靚玉蓉霸越沼吳廿年  
後妻應成媼壻成翁

風容想像畫圖中溪似清瑤山翠蓉管蒯絲麻各有

偶不將越女惑吳翁

緇衣道者像

既不能無奚必答有身何害有冠襟道者聞斯掉頭  
去非關汝事吾調心

題畫和澹園二十六弟韻四首

白如玉雪赤如珊厥性非溫亦不寒聞道醫云消麪  
毒應逢食麥倍登盤

蘿菔

野味雖誇飽藥苗入柵幾倍育豚鮑畫圖鄭重非游

戲仁政儲來養老饗

飼豬

非其族類或相似作病彭蜺詎是朋酒客當筵知所

忌餅罌取處莫攜鐙

蟹

雄雌居處有蒲荷拍拍清漪靜不波偶爾相離更相聚覓來或睡水邊莎

鴛鴦

題周東坪侍郎所藏歲寒三友圖三首

人天兩地不知年畫意詩情尚儼然畱得歲寒真侶在冰霜雨露鎮清妍

玉皇香案舊情深侍立猶懷語笑音此日恒言稱老矣披圖覓句幾沈吟

期公勁節久彌敦更念平生好弟昆聯咏莫嫌吾拙劣向來友益半師門

題畫二首

長鑱不用斫黃精仙窟何勞劬茯苓辦取一堆牛糞

火瓚師說法鄴侯聽芋

玉盤楊梅爲君設馬乳蒲桃不待求惟有此君偏在  
遠且從圖畫認風流筍

生老病死四首

後果前因沒了期無端微笑又熙怡神仙只道長生  
好念念遷流自不知

面皺還思見皺不百千萬劫一豪收肇師夢語空成  
論何處紅顏又白頭

情知痛痒兩循環搔痒渾忘忍痛難還汝即今無痛  
痒掉頭不應等閒看

形骸知覺斷前緣一物平分兩不全各自水流花謝



三才集卷一  
去問渠真我在誰邊

瀛臺四首

木變石

本與靈椿競大年來歸佛地是前緣  
嶙峋迴立青瑤古義畫堯文待爾鐫

人柳

三眠三起早含春禁苑偏霑雨露勻  
臣老自慚身似柳聖慈還愛柳如人

荷花

萬柄搖香露未收華星璧月點瓊流  
妙嚴寶界今身到莫更西尋太華秋

竹

斫取青光也未曾楚辭自可寫溪藤非關野竹干霄  
上已上層霄又幾層

題所臨香光倣宋四大家法書冊後八首

五年雲夢澤南州萬里雲濤檻外流他日玉堂清夜

夢橫江一鶴認曾遊

東坡黃州尺牘

倒連滄海注銀潢誰道餅罌可得藏長日閉門無一

事祇應清夢到羲皇

東坡黃州尺牘

雪後溪山照眼明放懷千古大江橫龍疲虎困三分

地畱與先生曳杖行

山谷詩帖

桃李成蹊能笑日燕鶯學語漫畱春江船未送欲歸

客班史會書言律人

山谷詩帖

神遊八表寄寰中夢裏雲山翠埽空楚舞吳歌歡未

畢塞鴻聲到館娃宮

太白詩海岳詩元章帖

浪跡江湖不計年黃庭千字晚爭妍不知有益蒼生

否却問君王乞俸錢

太白詩海岳詩元章帖

君謨兩字出深宮中使開函蠟炬紅取次雲煙還暮

雨遲回軒檻又東風

君謨詩帖

翰墨丹青事事研湖山佳處待朝賢幾迴禪院花爭

發一夜山堂月正圓

君謨詩帖

幾時風雪客長安錦綉瑤機入座看一樹梅花邀翰

墨豪端冰玉照人寒

香光

舊迹重觀十五年羅浮清夢杳嬋娟古香滿紙今猶  
昔却月淩風興浩然

香光

夢

萬家一霧蓋塵紅擾擾膠膠興各濃總說四禪天上  
樂道人枉打五更鐘

覺

一閃雙眸境頓殊追思明白又模糊憑君更向遊人  
問滿眼廬山果是無

冬筍

謝雲房太  
宰饋歲

幾日山中冒雪寒遠來且喜共杯盤此君正要論心  
腹莫作尋常飮餽看

題扇

紫氣氤氲瑞靄重山如黿戴水如龍雲生袖底爲霖  
雨人在蓬萊第一峯

英煦齋以瑛夢禪畫扇索題二士坐談吾未見  
也待我邀賓聊成三益

澹泊相逢竹石間一堂瀟灑足開顏茶甌香鼎盤桓  
久天際停雲意共閒

主賓靜對覺言希心遠方知暑氣微歸去未忘清景  
在丹青逸興已遡飛

劉文清公遺集卷第十七

右先伯祖文清公古今體詩二十卷

喜海髻

齟時嘗隨先君子後侍文清公於京邸嘉慶  
庚申甲子歲先君子視學兩浙三吳隨之任  
所不獲侍左右者數年洎乙丑還京文清公  
已即世先君子撫理遺橐蓋勵有存者即其  
所存手錄二冊藏諸笥將欲付雕而未之逮  
也道光辛巳冬先君子見背其明年春

喜海

奉諱旋里由澹園從祖家索得文清公詩五  
冊較舊存倍之並檢文清公自書詩橐手輯  
補錄依類分體釐爲二十卷得若干首付諸  
剞劂以承先志云道光六年歲次丙戌仲冬

跋

從孫喜海謹識

孫光海

耀海

原海

從孫華海敬校

杭州愛日軒陸貞一枋宋鐫